

ҚОЖА АХМЕТ ЯСАУИ АТЫНДАҒЫ ХАЛЫҚАРАЛЫҚ
ҚАЗАҚ-ТҮРІК УНИВЕРСИТЕТІ

ЖАРАТЫЛЫСТАНУ ҒЫЛЫМИ-ЗЕРТТЕУ ИНСТИТУТЫ
РЕГЛАМЕНТІ

БІРІНШІ БӨЛІМ

Жалпы ережелер, қолдану аясы, негіздемесі және қысқартылған сөздер

Жалпы ережелер

1-бап. (1) Жаратылыстану ғылыми-зерттеу институтының қазақ, орыс және ағылшын тілдеріндегі атауы жазылған мөрі, бұрыштама белгісі, қазақ, орыс, түрік және ағылшын тілдеріндегі атауы жазылған бланкісі болады.

(2) Қожа Ахмет Ясауи атындағы Халықаралық қазақ-түрік университеті мекемесінің Жаратылыстану ғылыми-зерттеу институты Қазақстан Республикасы, Оңтүстік Қазақстан облысы, Түркістан қаласы, Б.Саттарханов даңғылы, №29 мекен-жайы бойынша орналасқан «Қожа Ахмет Ясауи атындағы Халықаралық қазақ-түрік университеті» мекемесіне қарасты құрылым ретінде құрылған.

(3) Жаратылыстану ғылыми-зерттеу институты университетке қарасты құрылым болып табылады.

(4) Институт атауы қазақ тілінде: Қожа Ахмет Ясауи атындағы Халықаралық қазақ-түрік университеті Жаратылыстану ғылыми-зерттеу институты; түрік тілінде: Hoca Ahmet Yesevi Uluslararası Türk-Kazak Üniversitesi Fen Bilimleri Araştırma Enstitüsü; орыс тілінде: Научно-исследовательский институт естествознания Международного казахско-турецкого университета имени Ходжа Ахмеда Ясави; ағылшын тілінде: Scientific Research Institute of Natural Science of Khoca Akhmet Yassawi International Kazakh-Turkish University ретінде белгіленді.

Қолдану аясы

2-бап. (1) Қожа Ахмет Ясауи атындағы Халықаралық қазақ-түрік университетінің Жаратылыстану ғылыми-зерттеу институтының мақсатын, органдарын, қызметтерінің тәртібі мен негіздерін қамтиды.

Негіздемесі

3-бап. (1) Осы регламент Қожа Ахмет Ясауи атындағы Халықаралық қазақ-түрік университеті Жарғысының 5 (е), 8 (с), 10 (а) және 15-баптарына негізделіп дайындалады.

Қысқартылған сөздер

4-бап. Қолданылған қысқартылған сөздер төмендегідей:

а) Институт: Қожа Ахмет Ясауи атындағы Халықаралық қазақ-түрік университетінің Жаратылыстану ғылыми-зерттеу институты;

б) Институт директоры: Қожа Ахмет Ясауи атындағы Халықаралық қазақ-түрік университетінің Жаратылыстану ғылыми-зерттеу институтының директоры;



с) Ректор: Қожа Ахмет Ясауи атындағы Халықаралық қазақ-түрік университетінің ректоры;

д) Ректор өкілі: Қожа Ахмет Ясауи атындағы Халықаралық қазақ-түрік университетінің ректорының бірінші орынбасары;

е) Университет: Қожа Ахмет Ясауи атындағы Халықаралық қазақ-түрік университеті;

ф) Басқару кеңесі: Қожа Ахмет Ясауи атындағы Халықаралық қазақ-түрік университетінің Жаратылыстану ғылыми-зерттеу институты Басқару кеңесі мағынасын білдіреді.

ЕКІНШІ БӨЛІМ

Институттың мақсаттары мен қызметтері

Институттың мақсаты

5-бап. (1) Институттың негізгі мақсаты математика, физика, компьютерлік ғылымдарының іргелі және қолданбалы мәселелері бойынша жаңа ізденістер-зерттеулер жүргізу, сонымен бірге олардың нәтижелерін қолданысқа енгізу болып табылады.

Институттың қызметтері

6-бап. (1) Институттың қызметтері төмендегідей:

а) Жаратылыстану ғылымдарының іргелі және қолданбалы есептерін шешудің жаңа әдістерін жасау;

б) Ғылыми-зерттеу жұмыстарының сүбелі нәтижелерін Thomson Reuters және Scopus компанияларының базаларындағы деңгейі жоғары импакт-факторлы ғылыми басылымдарда жариялау;

с) Халықаралық қатынастарға жол ашу, басқа мемлекеттер мен Қазақстан және Түркия Республикалары мекемелерімен ғылыми байланыстар орнату, материалдар және тәжірибелер алмасу;

д) Ғылым және ғылыми-өндірістік қызмет көрсету, сараптау және кеңестер ұйымдастыру;

е) Ғылыми-зерттеу жұмыстарының нәтижелерін өндіріске енгізу, жасалған жаңа технологияларға сәйкес шағын өндіріс-орындарын ашуға ұсыныс жасау;

ф) Мемлекеттік және жекеменшік ұйымдардың жариялаған ғылыми гранттық конкурстарына қатысу үшін жоба дайындау және жүзеге асыру;

г) Институттың алдына қойылған маңызды проблемалар бойынша ғылыми конференциялар, семинарлар ұйымдастыру;

h) Жаратылыстану саласында ғылым-білім жетістіктерін насихаттау, жүргізген зерттеулер мен қол жеткізген нәтижелер туралы ақпараттар дайындау;

i) Шетелдердегі жаратылыстану саласында ғылымның дамуы деңгейін анықтау және шетелдік ұйымдар мен ғылымының маңызды бағыттары бойынша бірлескен іс-әрекеттер жүргізу, ақпараттық тағы басқа байланыстар орнату;

j) Шаруашылық келісім-шарт негізінде ғылыми-зерттеулер жүргізуге тапсырыстар қабылдауға ұсыныс жасау;



к) Ғылыми-зерттеулер жұмыстарын материалдық техникалық жабдықтау бойынша іс-әрекеттер жүргізу.

ҮШІНШІ БӨЛІМ

Институттың құрылымы мен қызметтері

Институттың құрылымы

7-бап. (1) Институт төмендегі органдардан тұрады:

- а) Директор
- б) Басқару кеңесі
- с) Ғылыми бөлім

Институт директоры

8-бап. (1) Ректор мен ректор өкілінің шешімімен үш жылға тағайындалады. Жұмыс мерзімі аяқталған институт директоры, қайтадан қызметке тағайындалу құқығына ие.

Институт директорының қызметтері

9-бап. (1) Институт директорының қызметтері төмендегідей:

- а) Жылдық және төрт жылдық стратегиялық даму жоспарын, институттың жұмыс жоспарын және жұмыс есебін дайындап, Басқару кеңесіне ұсыну;
- б) Басқару кеңесін жиналысқа шақыру, жиналысқа төрағалық ету және жиналыста қабылданған шешімдерді орындау;
- с) Институттың атынан өкіл ету, академиялық қызметтері мен басқару жұмыстарын жүргізу;
- д) Отандық және халықаралық ғылыми ұйымдар мен зерттеу және практикалық орталықтарымен ынтымақтастық қатынастарын орнату арқылы институттың мақсатына сай жобаларды дайындауды қамтамасыз ету;
- е) Жариялануға ұсынылған зерттеулер мен ізденістерді Басқару кеңесіне ұсыну;
- ғ) Басқару кеңесі тарапынан институт мақсатына сәйкес берілген басқа да міндеттерді орындау.
- г) Жыл сайын атқарылған жұмыстар жөнінде Басқару кеңесіне есеп беру.

Басқару кеңесі

10-бап. (1) Басқару кеңесі университет ректоры мен ректор өкілінің ортақ шешімімен тағайындалған төрт мүше мен институт директорынан құралады. Басқару кеңесі мүшелерінің қызмет мерзімі үш жыл. Қызмет мерзімі аяқталған мүшелер қайтадан тағайындалуы мүмкін. Қызметінен босаған, Басқару кеңесі мүшесінің орнына қалған мерзімді аяқтау үшін алғашқы тағайындау барысында қолданылатын негіздер шеңберінде жаңа мүше тағайындалады.

(2) Басқару кеңесі институт директорының шақыруымен кем дегенде екі айда бір рет жиналады. Қажет болған жағдайда институт директоры Басқару кеңесін төтенше жиналысқа шақыра алады. Басқару кеңесінің жиналысына Институт директорымен қоса, кем дегенде үш мүше қатысуы тиіс. Шешімдер көпшілік дауыспен қабылданады. Дауыстар бірдей болған жағдайда, Төрағаның дауысы екі дауыс болып есептелінеді.



Басқару кеңесінің қызметтері

11-бап. (1) Басқару кеңесінің қызметтері төмендегідей:

- a) Институттың басқаруы мен жұмыстары туралы шешім қабылдау;
- b) Институттың стратегиялық даму жоспарын талқылау, бекіту және орындалуын қадағалау;
- c) Жұмыс топтарын құру және олардың жұмыстары бойынша нұсқаулар;
- d) Отандық және халықаралық мекемелермен ынтымақтастық негіздері мен бағыттарын белгілеу;
- e) Жылдық жұмыс бағдарламасын бекіту;
- f) Институттың ғылыми жұмыстары мен жұмыс топтарына байланысты және қолдау сұраныстары бойынша шешім қабылдау;
- g) Зерттеу, магистратура және доктарантура жұмыстарына берілетін шәкіртақылары туралы шешім қабылдау;
- h) Ұйымдастырылатын курстар, оқу бағдарламалары, жиналыстар мен басылатын жарияланымдар жөнінде шешім қабылдау;
- i) Берілетін сыйлықтардың негіздерін белгілеу.

Ғылыми бөлім

12-бап. (1) Институт директорының ұсынысы және Басқару Кеңесінің бекітуімен институттың зерттеу, жоба, оқыту т.б. жұмыстарын іске асыру мақсатында Ғылыми бөлім құрылады. Бұл бөлім белгіленген мақсаттарға сәйкес топ арасынан тағайындалатын төрағаның жауапкершілігі шеңберінде тұрақты немесе белгілі бір мерзім көлемінде қызметтерін атқарады.

(2) Ғылыми бөлім институт директоры алдында жауапты. Әр жылдың аяғында Институт директорына атқарылған қызметтері туралы жазбаша түрде есеп береді.

(3) Институт директорының ұсынысы мен Басқару кеңесінің бекітілуімен қызмет мерзімі аяқталған немесе қажеттілігі қалмаған қызметтерді тоқтата алады.

Институт құрылымы

13-бап. (1) Институт штаты төмендегідей: 1 директор; 3 жетекші ғылыми қызметкер, 3 аға ғылыми қызметкер, 3 ғылыми қызметкер, Ph.D.; 4 кіші ғылыми қызметкер, магистр; 1 лаборант.

ТӨРТІНШІ БӨЛІМ

Соңғы және басқа да ережелер

Қаржылық ережелер

14-бап. (1) Институт бюджеті университет бюджетінен бөлінген қаржыдан және құқықтық шеңберіндегі басқа да қаржы көздерінен құралады.

(2) Институттың жылдық бюджеті Басқару кеңесі тарапынан дайындалады және университет бюджетінің құрамында Өкілетті Кеңес тарапынан бекітіледі.

(3) Басқару кеңесі мүшелеріне Қазақстан Республикасының заңдарына сәйкес жол шығындары және тәуліктік төлемдер төленеді.



Өзге де регламенттер

15-бап. (1) Осы регламентте қарастырылмаған мәселелер бойынша университет ережелері негізге алынады.

Күшіне ену

16-бап. (1) Бұл регламент институттың тіркеу жұмыстары аяқталғаннан кейін өз күшіне енеді.

Жүзеге асыру

17-бап. (1) Бұл регламентті университет ректоры және ректор өкілі жүзеге асырады.

Регламент қабылданған Өкілетті Кеңес мәжілісінің		
Күні: 24.06.2014	Мәжіліс № 48	Шешім № 10.2

